


**SENIOR CERTIFICATE
EXAMINATION
*SENIORSERTIFIKAAT-EKSAMEN***



**FEBRUARY / MARCH
*FEBRUARIE / MAART***

2007

**SETSWANA PUO YA
NTLHA SEEMOGARE**

Pampiri ya ntlha

SG

117-2/1

SETSWANA PRIMARY/FIRST LANG SG: Paper 1

**6 pages
6 bladsye**



X05



**COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI**



LEFAPHA LA THUTO LA GAUTENG
DITLHATLHOBO TSA MAKGAOLAKGANG

SETSWANA PUO YA NTLHA
SEEMOGARE
(Pampiri ya ntlha)

NAKO: diura tse 2

MADUO: 75

DITAELO:

- Pampiri e e na le dikarolo di le tharo, e leng A, B le C.
- Araba dipotso tsotlhe.
- Dirisa dinomoro tse di maleba fa o araba dipotso.
- A mokwalo wa gago o bonale.

KAROLO YA A

TEKATLHALOGANYO

POTSO 1

Buisa temana e e latelang ka kelotlhoko, mme o arabe dipotso tse di fa tlase.

“Banaka, lo ya go reetsa nna mmaalona fa ke bua. Rraalona ke yole o ngadile. Lo nkuhlwe banaka. Bana ba motho ga ba tswane. Ke bomaraganelateng, e seng bomaraganelantle. Dithuso, ngwanaka, thusa monnao o mo ntshe mo seretseng. Le ena o tla tsoga a go thusa. Ga ke re mo fe, ka re mo adime o tla go busetsa.” Fa a bua jaana ke fa a retologa go leba Kepadile. “Molato wa gago ke bokae?” O ne a itswala matlho ka diatla fa a utlwa Kepadile a bitsa kgolamatlhano a diranta bonolo.” Se rialo! Kgoloematlhano a diranta bonolo! Ga ke bone rraago molato go tswa a ngadile. O ne a seboga tladi e o re rathang ka yona e: Dithuso, go bona mmaagwe a feletswe ke mafoko, a bula molomo morago ga go didimala sebaka se seleele.” Ke kile ka go ntsha mo molatong wa diranta di le somaarobongwe, wa ipoeletsa ka wa diranta di le kgolo somaamabedi. Go riana ga o boele kwa morago, o tloga o tlhantlhetse.” Motlagomang a idibala fa a utlwa tse. Dithuso a taboga go ya go bitsa mosadimogolo Mmanko, Kepadile ena a tshereane jaaka morubisi o lelekilwe ke dinonyane motshegare.

“Motlagomang, Tlago! Tsoga!” mosadimogolo Mmanko a mo goa a ntse a mo thimotsa ka metsi a a tsididi.” Dithuso, mmaago o tlhagetswe ke eng?” A tshoga le go feta fa a bona Kepadile a duletse fale, a theoga ditete jaaka lesea.” “A motho yo Kepadile o tla ka mafoko a a botlhoko?”

Motlagomang a rarabologelwa jaaka e kete potso e e bodiwa ena. “Sebueng, Sebueng tlhe!” A bitsa leina la mogatse boemong jwa la motho yo o sidilang. “Ga ke Sebueng, ke Mmanko. Go ‘ire jang, Motlagomang, ngwanaka?” A tshwara lentswe la ga mosadimogolo sentle, a bo a boela mo tlhaloganyong ya gagwe go ka araba. “Ke bolawa ke bana ke ba tsetse, koko. Kepadile, ngwanake, o kae?”

Mmanko a tshoga fa a itsisiwe motlhodi wa mathata a a batlileng go somola Motlagomang mowa. A itatlhela mo go ona a sa rekegele gore ya bana ba mpa ga e tsenwe.” O moipolai yo o sa lelelweng, Motlagomang. Gompiano o senatla, o swela Kepadile. Ena Kepadile yo o agang o mpolelela fa a go latlhile go longwa ke dinta le matsetse! Swela Dithuso yo o go thusang, nka tlhaloganya, e seng Kepadile wa lejelathoko! A o tla go boloka fa a go bolaya jaana, a paletswe ke go go tlhokomela o tshela?” Mmanko o ne a ntse a gotela maikutlo, a ikutlwa sentle fa a ka phamola Kepadile ka memetso fa thata e ka bo e ne le teng. A itumelela gobo a kitlakile moidibadi ka boamaaruri go se na ope yo o mo arabang.

Magana go utlwa – J.E. Setshedi

- 1.1 O tlhaloganyang fa go twe bana ba motho ga ba tswane? (2)
- 1.2 Ke thuso efe e Motlagomang a e lopang mo go Dithuso? (2)
- 1.3 Ke tiragolo efe e e tsamaelanang le seane se. “Mmangwana o tshwara thipa ka fa bogaleng”. (2)
- 1.4 Naya semelo sa ga Dithuso ka bokhutshwane. (2)
- 1.5 Motho yo o tshologang ditete o tshwantshiwa le eng? (1)
- 1.6 Nopola maina a mabedi a a ileng boreelelong o bo o a tlhalose ka bokhutshwane. (2)
- 1.7 Sebueng o tsalana jang le Dithuso? (1)
- 1.8 Goreng Motlagomang a bitsa leina la gagwe? (1)
- 1.9 Naya lekaelagongwe la lefoko le idibala. (1)
- 1.10 Mosadimogolo Manko o bitsa Motlagomang; “Tlago” se se kaya botsalana jo bo jang? (2)
- 1.11 Nopola leele le le kayang gore Kepadile ga a latlha mokgwa wa gagwe o o mathaithai. (2)
- 1.12 Ke eng se se neng se isa maikutlo a mosadimogolo, Mmanko, kwa godimo jaana? (2)
- 1.13 Ka boripana, tlhalosa gore go tewa eng fa go twe: **Tladi e rathile Motlagomang.** (2)
- 1.14 Tlhalosa polelo e: **Go nna moipolai yo o sa lelelweng.** (1)

1.15 Naya maina a dikapuo tse di latelang:

- 1.15.1 O tshereane jaaka morubisi o lelekilwe ke dinonyane motshegare. (1)
1.15.2 Go ntsha motho mo seretseng. (1)

MADUO A KAROLO YA A: [25]

KAROLO YA B

TSHOSOBANYO

POTSO 2

Buisa temana e e latelang ka kelotlhoko mme morago o e sosobanye ka dintlha di le lesome. Netefatsa gore bokao ga bo fetoge.

MOEMA: (*o buela kwa tlase e kete o belaela gore mongwe o a mo utlwa*) Ke fokoditse mosepele. Ke gaufi jaaka ke batlile. Ke itumeletse gore ke tla tsena ka motse go le lefitshwana. Ga nkitla ke opa mokgosi. Ga nkitla ke dira gore ke lemogwe gore ke gorogile. Ke tla pota motse ka kwa bophirima go tsamaisa nako mme ke ye go kotama mo mfapheng wa thaba ya Ntshokeletsa. Ke tla bo ke le sentlhaga sa ga Mmamasiloanoka seokamamadiba. Go tla tswa mo go nna gore a ke fologa go robetswe kgotsa ka maitiso ke eteletswe ke kopadilalelo. Ga fale ga fale go twe motho o suthile sekgwa ruri le badisa ba kgomo tsa matimela ba boa ka kwano. Ke suthile sekgwa go lekane. Tota go tla bo go akiwa fa go ka twe go na le yo o se suthileng go nkgaisa. Malatsi a le mabedi a a tletseng: ka bo ka robala mo go sona! (*A thikitha tlhogo*) Ke dumela gore tota tiro e ke yang go e dira gompieno e tla hutsafalola maikutlo a me. E tla bo ya kगतlha le batho ba Mapaputle le fa go twe loso ga lo ise lo ke lo kगतlhe ope. Kana le fa motho a ne a tshwanetse go ikela badimong re nna re fefofatsa fela re re o re latlhile. Jaanong tiro e ke yang go e dira, e tla kगतlha setšhaba ka mabaka a a latelang. Ka lantlheng e tla kगतlha baba ba me, ba ba neng ba le teng kwa kगतlatshekelo fa ke ne ke gana nnang gore nna ga ke a bolaya motho e bile ga ke kitla ke nna le kakanyo eo. E rile fa ke supa legodimo la boraro, ke ikana ka tumelo ya sekeresete ka utlwa ba dumaduma. E ne ya nna lwa ntlha ke utlwa moatlhodi a didimatsa batho mo kगतlha. Ke tiro ya lepodisi. E rile ke bona e dirwa ke ena, ka nama, ka itse: gore bo sele bo sena mahube.

Marothodi: L.Z. Sikwane

MADUO A KAROLO YA B: [10]

KAROLO YA C

TIRISO YA PUO

POTSO 3

Buisa temana e e latelang mme o arabe dipotso tse di latelang.

O rile a re o tsena ka kgoro ya gaabo, a phamolwa ke motho ka melala, a mo jesa dinta gore a bo a bone dinaledi. Ga bo go ntse, go lekane, a kgotlile semane. Mosimane wa Morolong a udubatsa ka tse pedi, a latlha tshwene le lefatshe. O rile a re ke mo direla ruri ka mphaatšhane, a ne a sala a re ke kuka leoto, mme ya ne e kete la re, "O ne o bolelelwa ke mang?" Ka nnete a utlwa lentswe kwa morago ga gagwe le re," Mo tlogele, ke mmaakanyeditse ba bantsi."

Lesedi le lentle lele la kgwedi la ntshofala. A se ka a latlhegelwa ke dipone tsa matlho fela, le tlhaloganyo, ya nyelela jaaka tlhamelo e tle e timelele mo motlhabeng, le mororo letsatsi le penne.

Fa a thanya , a iphitlhela a le mo kokelong, mme a gana go dumela, a tsaya gore o a lora. Fa a bona mosetsana wa mooki fa thoko ga gagwe, a fitlhela e le mosimane yole yo o neng a mo lwantsha: a leka go kukupologa, go tshwara seganka se ka kgokgotso, mme a ronkga dintho tsa gagwe moo a ileng a boela tlase, a nyemile mooko, a tepeletse tlhaloganyo.

"A o rata go mpolaya, Tefo?" Le ke lentswe la mosadi , e seng la seganka sa maabane. Maalomabe a kokobela dibete, a tlelwa ke maikutlo a mantšhwa. "Ke wena mang, mosadi? Felo fa ke kae?" A bua jalo, a buela tlase, a fedile maatla." Nna ke mooki Melida Thende. Se ke sepetlele. O tlile mo maabane bosigo, o gobetse. O tlhabilwe mesima e meraro ka thipa mo mokokotlong.

"Maphodisa a go emetse fa ntle, Tefo. Ba rata go bua nao. Ke ya go ba bitsa." Ka nako e, a hularela molwetse, mosetsana wa moroba, a leba kwa lebating.

"Wena M.....Melida, u...utlwa pele fa." Mosetsana a tla. Ke motho yo mosetlhana wa nko ya gagwe. Mala rra,o ka re mofu; A gabaletse mmago. Maalomabe a ikutlwa a rata mosetsana yo, go sa sale sepe. Mosetsana le ene a lebelela mosimane mo matlhong , mme a nyeba , a tloga a buela tlase, "Nka go thusa ka eng, Tefo?"

"Bona mo mooki. Ke la boraro jaanong o mpitsa ka leina le e seng la me. Ga ke Tefo. Ke Maalomabe." "Maalomabe?"

Mpolelele dilo: B.D. Magoleng le J.M Ntsime

- 3.1 Naya leina la sekapuo se se dirisitsweng mo polelong ya ntlha. (2)
- 3.2 Tlhalosa leele le, a mo jesa dinta gore a bo a bone dinaledi. (2)
- 3.3 Nopola leinagoboka le le dirisitsweng mo temaneng ya ntlha o bo o le dirise mo polelong e o itlhametseng yona. (2)

- 3.4 Bopa mediriso ya taelo ka mafoko a a latelang:
- 3.4.1 go tlogela motho. (1)
3.4.2 fa o batla gore motho a bue. (1)
- 3.5 Dirisa leina mosadi mo dipolelong tse di tlabosang jaaka:
- 3.5.1 sedirwa (2)
3.5.2 sediriso (2)
3.5.3 lerui (2)
3.5.4 tshwantshanyo mokgwa. (2)
- 3.6 Dirisa bua mo dipolelong tse PEDI tsa bokao jo bo farologaneng le jo bo mo temaneng. (2)
- 3.7 Nopola maitiri a MABEDI mme o a dirise mo dipolelong tse o di itlhametseng. (4)
- 3.8 Dirisa lesupi yole jaaka kgatelelo mo polelong. (2)
- 3.9 Ntshofala e dirisitswe jaaka eng mo polelong. (2)
- 3.10 Naya lekaelagongwe la lefoko le, nyelela mme morago o le dirise mo polelong. (2)
- 3.11 Bopa leinaletswa ka lefoko le dumela mme morago o le dirise mo polelong e e tlabosang. (2)
(30)

POTSO 4

- 4.1 Siamisa leboko le le latelang.
- 4.1.1 Oena lirato, o bothito,
Bothito jo bolebatsang ditlhabe,
Botselo jo bo makgwagwa (5)
- 4.1.2 Siamisa polelo e e latelang:
- Ntwana e, e stoutu, ke tla e shaya. (5)
(10)

MADUO A KAROLO YA C: [40]

PALOGOTLHE: 75